



ITP-ն և Դոկը

Անհատական անցումային պլանի (ITP) մասին տեղեկատվական ուղեցույց 14 և ավելի բարձր տարիքի կամ մինչև 9-րդ դասարան հասած աշակերտների և նրանց ընտանիքների համար

Հատուկ կրթության վարչություն
Վերանայվել է 2024 թ. դեկտեմբերին

Ծնողներ/խնամակալներ և աշակերտներ,

Այս ուղեցույցի նպատակն է՝ տեղեկություններ տրամադրել հաշմանդամություն ունեցող աշակերտների (14 տարեկանից կամ մինչև 9-րդ դասարան) անցումային ծառայությունների վերաբերյալ: Ուղեցույցը ծառայում է որպես գործիք այն աշակերտների համար, որոնք մասնակցում են իրենց Անհատական կրթական ծրագրի (IEP) մասը կազմող Անհատական անցումային ծրագրի (ITP) մշակմանը: Որպես IEP թիմի անդամներ՝ աշակերտները կմասնակցեն կարևոր որոշումների կայացմանը՝ հետմիջնակարգ նպատակները պլանավորելիս՝ ուսման և/կամ վերապատրաստման, աշխատանքի և, համապատասխան դեպքերում, ինքնուրույն ապրելու ոլորտներում: Հուսով ենք, որ այս նյութը օգտակար կլինի ավագ դպրոցից հետո կյանքը պլանավորելիս:

Խորհուրդ ենք տալիս IEP թիմի հանդիպումից առաջ կարդալ այս և «IEP-ն և Դուք» ուղեցույցները: Կարևոր է նաև աչքի անցկացնել [Հատուկ կրթության ծառայությունների ծնողական ուղեցույցը \(ներառյալ Ընթացակարգային իրավունքներն ու երաշխիքները\)](#), որը ստացել էք IEP թիմի հանդիպման մասին ծանուցման հետ:

Եթե հարցեր ունեք IEP-ի, ITP-ի, հատուկ կրթության կամ այս գրքույկում տեղ գտած տեղեկությունների վերաբերյալ, խոսեք ձեր դպրոցի անցումային ուսուցչի հետ կամ այցելեք Անցումային ծառայությունների վեբկայքի շրջանային գրասենյակ <https://sped.lausd.org/dots> հասցեով:

Հատուկ կրթության վարչություն

Անցումային ծառայությունների շրջանային գրասենյակ

ԲՈՎԱՆԴԱԿՈՒԹՅՈՒՆ

Ի՞նչ են անցումային ծառայությունները	5
Ի՞նչ է անցումային պլանավորումը	5
Ի՞նչ է անհատական անցումային պլանը (ITP).....	5
Անցումային պլանավորման փուլերը.....	6
Ովքե՞ր են IEP թիմի հանդիպման մասնակիցները	7
Որքա՞ն կարևոր է աշակերտի մասնակցությունը	8
Որքա՞ն կարևոր է ծնողի/խնամակալի մասնակցությունը	8
Որո՞նք են ITP-ի բաղադրիչները	9
Ի՞նչ է անցումային գնահատումը	10
Ի՞նչ են հետմիջնակարգ նպատակները	10
Ի՞նչ են անցումային միջոցառումները.....	10
Ինչպե՞ս է համայնքը կապված ITP-ի հետ	11
Որքա՞ն ժամանակ կարող է աշակերտը անցումային ծառայություններ ստանալ	12
Որո՞նք են դիպլոմ ստանալու ավարտական պահանջները.....	12
Ի՞նչ է լինում, եթե աշակերտը չի բավարարում դիպլոմ ստանալու ավարտական պահանջները ..	13
Ի՞նչ է արդյունքների ամփոփագիրը	14
Ի՞նչ ռեսուրսներ են հասանելի, եթե ես հավելյալ հարցեր ունեմ	15
IEP-ի ժամանակացույցը	16

ԻՐՉ ԵՆ ԱՆՑՈՒՄԱՅԻՆ ԾԱՌԱՅՈՒԹՅՈՒՆՆԵՐԸ

Անցումային ծառայությունները միջոցառումների համակարգված ամբողջություն են, որոնց նպատակն է՝ օգնել հաշմանդամություն ունեցող աշակերտներին և նրանց ընտանիքներին պատրաստվել կյանքին՝ ավագ դպրոցի ավարտից հետո: Դպրոցն ավարտելուց հետո շրջանավարտը կարող է զբաղվել մասնագիտական ուսուցմամբ, ընդունվել քոլեջ, աշխատել, ապրել ինքնուրույն՝ պետական կառույցների աջակցությամբ կամ առանց աջակցության: Անցումային միջոցառումները, հաշվի առնելով աշակերտի ուժեղ կողմերը, նախասիրությունները, հետաքրքրությունները և պահանջմունքները, մշակվում են տարիքին համապատասխան գնահատումների արդյունքների հիման վրա: Այս գնահատումների արդյունքները օգնում են IEP թիմերին մշակել հետդպրոցական պատշաճ նպատակներ կրթության և/կամ մասնագիտական ուսուցման, զբաղվածության և, անհրաժեշտության դեպքում, ինքնուրույն ապրելու հմտությունների բնագավառներում:

ԻՐՉ Ե ԱՆՑՈՒՄԱՅԻՆ ՊԼԱՆԱՎՈՐՈՒՄԸ

Աշակերտները պետք է վաղ փուլից սկսեն պլանավորել իրենց ապագան՝ ծնողների/ինսամակալների օգնությամբ: Թեև ITP-ի քննարկումը սկսվում է 14 տարեկանում կամ մինչև 9-րդ դասարան, երբեք չուտ չէ մտածել և քայլեր ձեռնարկել մեծահասակ կյանքում ինքնուրույնության և հաջողության հասնելու ուղղությամբ: Ընտանիքում կարող են քննարկվել այսպիսի հարցեր. ինչո՞վ է զբաղվելու աշակերտը միջնակարգ դպրոցն ավարտելուց հետո: Գնալու է քոլեջ, թե՞ արհեստագործական դպրոց: Աշխատելու է աջակցվող զբաղվածության ծրագրո՞ւմ, թե՞ մրցակցային աշխատանք է գտնելու: Ապրելու է ինքնուրո՞ւյն, թե՞ շարունակելու է ապրել ընտանիքի հետ: Արդյո՞ք այլ կառույցների օգնության կարիք կլինի այս ծրագրերն իրականացնելու համար: Մինչև աշակերտի 14 տարին լրանալը կամ մինչև 9-րդ դասարան ITP-ն պետք է ներառի միջոցառումներ, որոնք կօգնեն նրան միջնակարգ դպրոցից անցում կատարել մեծահասակի կյանքին: Այս գործընթացը կոչվում է անցումային պլանավորում:

ԻՐՉ Ե ԱՆՉԱՏԱԿԱՆ ԱՆՑՈՒՄԱՅԻՆ ՊԼԱՆԸ

Անցումային պլանավորումը գրանցվում է IEP-ի «ITP» կոչվող բաժնում: IEP-ի «ITP» բաժինը վերստուգվում և վերանայվում է տարեկան առնվազն մեկ անգամ՝ IEP թիմի հանդիպման շրջանակում:

- ITP-ի նպատակն է՝ օգնել աշակերտին պլանավորել իր կյանքը դպրոցից հետո: Դա կարող է նշանակել՝
- հետմիջնակարգ կրթություն (2 կամ 4-ամյա քոլեջ կամ համալսարան),
 - մասնագիտական ուսուցման ծրագրեր (գործնական ուսուցում՝ վկայական ստանալու նպատակով),
 - աջակցվող կամ մրցակցային զբաղվածություն,
 - ինքնուրույն կյանք,
 - մասնակցություն համայնքային կյանքին:

ԱՆՑՈՒՄԱՅԻՆ ՊԼԱՆԱՎՈՐՄԱՆ ՓՈՒԼԵՐԸ



14-րդ տարեկանից առաջ կամ մինչև 9-րդ դասարան

Աշակերտի ուժեղ կողմերը, նախասիրությունները, հետաքրքրություններն ու պահանջմունքները սահմանվում են իր տարիքին համապատասխան գնահատումների միջոցով, որոնք ներկառուցված են ուսումնական ծրագրում: Այնուհետև դրանք գրանցվում են ITP-ում՝ IEP թիմի տարեկան հանդիպման ժամանակ:



Հետմիջնակարգ նպատակների սահմանում

Հետմիջնակարգ նպատակները սահմանվում են աշակերտի հետաքրքրությունների գնահատման հիման վրա՝ միջնակարգ դպրոցն ամառտելուց հետո: Չափելի հետմիջնակարգ նպատակները գրանցվում են ITP-ում:



Անցումային միջոցառումներ

Կրթության և/կամ ուսուցման, զբաղվածության և, անհրաժեշտության դեպքում, ինքնուրույն կյանքի հմտությունների ոլորտներում իրականացվող անցումային միջոցառումներն օգնում են աշակերտներին համակալել հետմիջնակարգ կրթության տարբերակների միջև եղած տարբերությունները, ծանոթանալ աշխատանքի հմտություններին և կարիերայի ուղիներին և կարող են ներառել ուշադրություն ինքնուրույն կյանքի հասնելու համար անհրաժեշտ հմտությունների զարգացման վրա:



Չափահասության տարիք

Աշակերտի 18-ամյակից առաջ ընտանիքը տեղեկացվում է «չափահասության տարիքի» մասին: 18 տարեկանում կրթական որոշումների իրավունքը փոխանցվում է աշակերտին: IEP թիմը պարտավոր է այդ մասին տեղեկացնել ծնողներին/խնամակալներին և աշակերտին: Այս տեղեկացումը IEP-ում գրանցվում է առնվազն մեկ տարի առաջ:



ՀՈՒՇՈՒՄ.

ծնողները/խնամակալները և աշակերտները պետք է նախապես սկսեն հասկանալ «չափահասության տարիքի» իրավունքներն ու պարտականությունները:

ՈՎՔԵՐ ԵՆ IEP ԹԻՄԻ ՀԱՆԴԻՊՄԱՆ ՄԱՍՆԱԿԻՑՆԵՐԸ

Աշակերտները և ընտանիքները IEP թիմի կարևոր անդամներ են: Երբ IEP թիմի հանդիպման ընթացքում նախատեսվում է մշակել ITP, աշակերտը պետք է հրավիրվի հանդիպմանը: Դա կատարվում է՝ աշակերտի անունը ներառելով Անհատականացված կրթական ծրագրի (IEP) հանդիպմանը մասնակցելու ծանուցման ձևում: ITP-ի շրջանակում ծնողներին/խնամակալներին և աշակերտին ամեն տարի հարցնում են՝ արդյոք կան կողմնակի կազմակերպություններ, որոնք ներկայումս աշակերտին տրամադրում են կամ ապագայում տրամադրելու են անցումային ծառայություններ, և արդյոք տրվում է թույլտվություն՝ հաջորդ տարի այդ կազմակերպությանը հրավիրելու համար:

ՊԱՐՏԱԴԻՐ ԱՆԴԱՄՆԵՐ

Ծնող կամ խնամակալ

Ճանաչում է աշակերտի ուժեղ կողմերը, պահանջմունքներն ու առանձնահատկությունները:

Դպրոցի ադմինիստրատոր

Տիրապետում է հատուկ կրթության ծառայությունների վերաբերյալ տեղեկատվությանը և ունի շրջանի ռեսուրսները տրամադրելու լիազորություն:

Հատուկ կրթության ուսուցիչ

Կրթական մասնագետ, որը գիտելիքներ ունի աշակերտի հաշմանդամության և աշակերտի առաջընթացի վրա դրա ազդեցության մասին:

Ընդհանուր ուսուցիչ

Ընդհանուր կրթության ուսուցիչ, որը իրականացնում է հիմնական ուսուցումը և անհրաժեշտ հարմարեցումներն ու փոփոխությունները:

Շրջանի որակավորված մասնագետ

Կրթատրի գնահատման արդյունքները և կոգտագործի դրանք ուսուցումը պլանավորելու համար: Կարող է լինել գնահատող, հարակից ծառայություններ տրամադրող կամ նման թիմի անդամ:

ՈՉ ՊԱՐՏԱԴԻՐ ԱՆԴԱՄՆԵՐ

Այլ մասնակիցներ

Այլ մասնակիցներ, որոնք ճանաչում են աշակերտին կամ նրա մասին մասնագիտական գիտելիքներ ունեն՝ ծնողի/խնամակալի կամ Շրջանի հրավերով:

Աշակերտ

Երբ մշակվում է անհատական անցումային պլանը (ITP), աշակերտը կարող է հրավիրվել IEP թիմի հանդիպմանը:

Կազմակերպության ներկայացուցիչ

Ներկայացուցիչ կողմնակի կազմակերպությունից, որը հավանաբար ծառայություններ կմատուցի աշակերտին*:

Բանավոր թարգմանիչ

Շրջանի կողմից նշանակված որակավորված մասնագետ, եթե թարգմանիչի ծառայությունների կարիք կա:

*Այլ կառույցների օրինակներ են, առանց սահմանափակման, խմբային բնակության հաստատությունների ներկայացուցիչները, ոչ հանրային դպրոցները, տարածաշրջանային կենտրոնները և/կամ վերականգնողական ծառայությունների վարչությունը:

ՈՐՔԱՆ ԿԱՐԵՎՈՐ Է ԱՇԱԿԵՐՏԻ ՄԱՍՆԱԿՑՈՒԹՅՈՒՆԸ

Աշակերտի մասնակցությունը անցումային պլանավորման կարևորագույն բաղկացուցիչն է: Հարկավոր է աշակերտին գրավոր տեղեկացնել IEP թիմի հանդիպման մասին: Աշակերտը կարող է մասնակցել պլանավորմանը հետևյալ կերպ.

- ասել IEP թիմի անդամներին, թե ինչով է մտադիր զբաղվել ավագ դպրոցից հետո,
- ակտիվ դեր խաղալ IEP թիմի հանդիպումների ժամանակ՝ հարցեր տալով կամ վարելով հանդիպումը,
- լսել և պատասխանել թիմի հանդիպման մասնակից անդամներին,
- տեղեկություններ տրամադրել իր ուժեղ կողմերի, նախասիրությունների, հետաքրքրությունների և պահանջմունքների մասին,
- նպատակներ դնել և մասնակցել անցումային միջոցառումներին՝ նպատակներն իրագործելու համար,
- ուսումնասիրել տեղական ռեսուրսներն ու ծառայությունները:

ՀՈՒՇՈՒՄ. *աշակերտը պետք է զարգացնի որոշումների կայացման և շփման հմտությունները՝ IEP թիմի հանդիպումների ժամանակ ներկայացնելով ապագայի իր պլանները:*

ՈՐՔԱՆ ԿԱՐԵՎՈՐ Է ԾՆՈՂԻ/ԽՆԱՄԱԿԱԼԻ ՄԱՍՆԱԿՑՈՒԹՅՈՒՆԸ

Ծնողի/խնամակալի մասնակցությունը հաջող անցումային պլանավորման կարևոր բաղադրիչներից է: Հարկավոր է ծնողներին/խնամակալներին գրավոր ծանուցել IEP թիմի հանդիպման մասին: Ծնողները/խնամակալները մասնակցում են հետևյալ կերպ.

- ակտիվ դեր խաղալ IEP թիմի հանդիպման ժամանակ՝ հարցեր տալով,
- IEP թիմին հաղորդել անցման առնչությամբ իրենց մտահոգությունները,
- հարցեր տալ անցումային գնահատման արդյունքներին մասին,
- օգնել աշակերտին անցումային միջոցառումներում՝ ներառյալ ITP-ում ներառվածները,
- դիմել աշակերտի դպրոցին նշանակված անցումային ուսուցչին տեղեկությունների և ռեսուրսների համար:

ՀՈՒՇՈՒՄ. *անցումային միջոցառումները կարող են ներառել ընտանիքի, դպրոցի, համայնքի և կողմնակի կառույցների մասնակցությունը: IEP թիմի հանդիպումներից առավելագույնը ստանալու համար ցանկալի է նախօրոք պատրաստվել դրանց:*

ՈՐՈ՞ՆՔ ԵՆ ITP-Ի ԲԱՂԱԴԻԻՉՆԵՐԸ

Անցումային պլանավորման արդյունքները գրանցվում են ITP-ում: Մասնավորապես գրանցվում է հետևյալը.

Կատարված անցումային գնահատումները և դրանց արդյունքները, որոնք ցույց են տալիս աշակերտի ուժեղ կողմերը, նախասիրությունները, հետաքրքրություններն ու պահանջմունքները

Չետմիջնակարգ նպատակները, որոնք առնչվում են ուսմանը, զբաղվածությանը և, եթե կիրառելի է, ինքնուրույն ապրելու հմտություններին

Անցումային միջոցառումները, որոնց օգնությամբ աշակերտը կհասնի հետմիջնակարգ նպատակներին ուսման, զբաղվածության և, եթե կիրառելի է, ինքնուրույն ապրելու հմտություններում

Մարդիկ, որոնք օգնում են աշակերտին կատարել անցումային գործողություններն ու միջոցառումները

Դասընթացը կամ դասընթացները, որոնք աշակերտը անցել է կամ պետք է անցնի ավագ դպրոցն ավարտելու համար

Ներգրավված կազմակերպությունները, եթե այդպիսիք կան

ՀՈՒՇՈՒՄ. անցումային ծառայությունները պետք է համապատասխանեն աշակերտի ուժեղ կողմերին, նախասիրություններին, հետաքրքրասիրություններին և պահանջմունքներին

Ի՞ՆՉ Է ԱՆՑՈՒՄԱՅԻՆ ՉԱՐԱՏՈՒՄ

Աշակերտի անհատական կարիքներին համապատասխանող ITP կազմելու նպատակով դպրոցը կօգտագործի տարիքին համապատասխան անցումային գնահատումներ, որոնք ներառված են ուսումնական ծրագրում: Անցումային գնահատման նպատակն է՝ որոշել աշակերտի անցումային կարիքները՝ հիմնվելով նրա հետաքրքրությունների և նախասիրությունների վրա: Անցումային գնահատման գործընթացը կարող է ներառել հետաքրքրությունների հարցաթերթերի լրացում, հարցազրույցներ, ուսումնական առաջընթացի ուսումնասիրություն և աշակերտի աշխատանքների նմուշների դիտարկում որպես աշակերտի տվյալների շարունակական հավաքման գործընթացի մաս: Տարիքին համապատասխան անցումային գնահատման գործիքները ներառում են, բայց չեն սահմանափակվում հետաքրքրությունների հարցաթերթերով, հարցաթերթիկներով, ուսումնական ծրագրի վրա հիմնված գնահատումներով և գնահատման սանդղակներով: Տարիքին համապատասխան անցումային գնահատումները օգնում են IEP թիմի անդամներին տեղեկություն ստանալ հետմիջնակարգ կրթության, զբաղվածության, համայնքային մասնակցության և, անհրաժեշտության դեպքում, ինքնուրույն կյանքի հմտությունների վերաբերյալ: Գնահատման արդյունքները այնուհետև օգտագործվում են աշակերտի համար իմաստալից հետմիջնակարգ նպատակներ և անցումային միջոցառումներ մշակելու համար:

ՀՈՒՇՈՒՄ. անցումային գնահատումներն օգնում են IEP թիմին տեղեկացված որոշումներ կայացնել աշակերտի ապագայի համար:

Ի՞ՆՉ ԵՆ ՀԵՏՄԻՋՆԱԿԱՐԳ ՆՊԱՏԱԿՆԵՐԸ

Դպրոցը տրամադրում է անցումային ծառայություններ, որոնք աջակցում են աշակերտին հասնելու իր հետմիջնակարգ նպատակներին: Հետմիջնակարգ նպատակները այն նպատակներն են, որոնց աշակերտը հույս ունի հասնել միջնակարգ դպրոցն ավարտելուց հետո, օրինակ՝ քույր հաճախել, մասնակցել մասնագիտական ուսուցման ծրագրի, աշխատանք գտնել կամ ապրել ինքնուրույն: IEP թիմը պարտավոր է աշակերտի ITP-ում ներառել հետմիջնակարգ նպատակներ կրթության և/կամ ուսուցման, զբաղվածության և, անհրաժեշտության դեպքում, ինքնուրույն կյանքի հմտությունների ոլորտներում:

Ի՞ՆՉ ԵՆ ԱՆՑՈՒՄԱՅԻՆ ՄԻՋՈՑԱՌՈՒՄՆԵՐԸ

Անցումային գործողությունները գործողությունների համակցություն են, որոնք նախատեսված են օգնելու աշակերտին առաջընթաց գրանցել ITP-ում նշված հետմիջնակարգ նպատակների ուղղությամբ: Անցումային գործողությունները կարող են ներառել դասարանային կամ փոքր խմբերով ուսուցում, ուսումնական այցելություններ, աշխատանքի նախապատրաստում, ամօրյա կյանքի հմտությունների զարգացում, ինչպես նաև հարակից ծառայություններ, օրինակ՝ երգթերապիա կամ ֆիզիկական թերապիա: Այն անձինք, որոնք պատասխանատու են այս միջոցառումներն իրականացնելու հարցում աշակերտին աջակցելու համար, կարող են լինել ուսուցիչները, ծնողները/խնամակալները, ընտանիքի անդամները, աշակերտը և դպրոցի այլ համապատասխան աշխատակիցներ: Երբեմն համայնքային կազմակերպություններն էլ են ներգրավվում անցումային միջոցառումների իրականացման մեջ:

ԻՆՉՊԵՐՍ Է ՀԱՄԱՅՆՔԸ ԿԱՊՎԱԾ ITP-Ի ՀԵՏ

Մի շարք տեղական կառույցներ օգնում են հաշմանդամություններով աշակերտներին և նրանց ընտանիքներին ստանալ անցումային ծառայություններ՝

Վերականգնողական
ծառայությունների վարչություն

Տարածաշրջանային կենտրոններ

Սոցիալական ծառայություններ
մատուցող գործակալություններ

Բարձրագույն ուսումնական
հաստատություններ, օրինակ՝
համայնքային քոլեջներ

Առողջապահական և հոգեկան
առողջության
կազմակերպություններ

Համայնքային
կազմակերպություններ

ՀՈՒՇՈՒՄ. դպրոցի տարածքում աշխատող անցումային ուսուցիչները կարող են օգնել ծնողներին/խնամակալներին և աշակերտներին գտնել տեղական գործակալություններ, որոնք կաջակցեն անցումային պլանավորմանը և միջոցառումներին:

ՈՐՔԱՆ ԺԱՄԱՆԱԿ ԿԱՐՈՂ Ե ԱՇԱԿԵՐՏԸ ԱՆՑՈՒՄԱՅԻՆ ԾԱՌԱՅՈՒԹՅՈՒՆՆԵՐ ՍՏԱՆԱԼ

Անցումային ծառայությունները մատուցվում են այնքան ժամանակ, մինչև աշակերտը հասնի հետևյալից որևէ մեկին (կախված թե որն առաջինը կլինի)։

Ստանում է դիպլոմ*

Հասնում է 22 տարեկանի, եթե դպրոցում է

ՈՐՈՆՔ ԵՆ ԴԻՊԼՈՄ ՍՏԱՆԱԼՈՒ ԱՎԱՐՏԱԿԱՆ ՊԱՅՄԱՆՁՆԵՐԸ

Լոս Անջելեսի միասնական դպրոցական շրջանի կրթության խորհուրդը ժամանակ առ ժամանակ փոփոխում է շրջանի ավարտական պահանջները: Դրանք պետք է քննարկվեն յուրաքանչյուր IEP թիմի հանդիպման ընթացքում՝ վերանայելով աշակերտի ուսումնառության ծրագիրը:

LAUSD դիպլոմի պահանջներ	Դիպլոմի պահանջներից ազատում
<p>Դիպլոմ ստանալու համար աշակերտը պետք է՝</p> <ul style="list-style-type: none"> • ավարտի պարտադիր դասընթացները • ավարտական տարվա համար վաստակի նվազագույն պահանջվող կրեդիտների քանակը • կատարի տվյալ տարվա համար կիրառվող Կալիֆոռնիայի նահանգային բոլոր պահանջները • բավարարի ոչ դասընթացային պահանջները (օրինակ՝ ծառայությունների ուսուցում, համայնքային ծառայություն և այլն) <p>Հաշմանդամություն ունեցող այն աշակերտները, որոնք ստանում են դիպլոմ, համարվում են ավարտած իրենց միջնակարգ կրթությունը և այլևս իրավասու չեն Շրջանի հատուկ կրթության ծառայություններ ստանալու:</p>	<p>Կալիֆոռնիայի Կրթության օրենսգիրքը որոշ իրավասու խմբերի պատկանող աշակերտներին ազատում է Լոս Անջելեսի միասնական դպրոցական շրջանի դիպլոմ ստանալու այն պահանջներից, որոնք լրացուցիչ են նահանգային դասընթացային պահանջներին: Ազատումները նախատեսված են հետևյալ խմբերի համար.</p> <ul style="list-style-type: none"> • Հաշմանդամություն ունեցող այն աշակերտները, որոնք իրավասու են մասնակցելու Կալիֆոռնիայի այլընտրանքային գնահատմանը (ինչպես նշված է նրանց IEP-ում): Այս բացառությամբ դիպլոմ ստացած աշակերտները կշարունակեն իրավասու լինել հատուկ կրթության ծառայությունների համար մինչև 22 տարեկանը լրանալը կամ մինչև առանց բացառության դիպլոմի համար նախատեսված դասընթացները ավարտելը: • Խնամատար ընտանիքներում գտնվող աշակերտներ • Անօթևանության մեջ գտնվող աշակերտներ • Անչափահասների դատարանին կից դպրոցների նախկին աշակերտներ • Չինվորական ընտանիքների երեխաներ • Միգրանտ աշխատողների երեխաներ • Նորեկների ծրագրում մասնակցող աշակերտներ <p>Դիպլոմ ստանալու համար աշակերտը պետք է համապատասխանի ավարտական նվազագույն պահանջներին, որոնք սահմանված են Կալիֆոռնիայի Կրթության վարչության (CDE) կողմից:</p> <p>Լրացուցիչ տեղեկությունների համար տես՝ https://www.cde.ca.gov/ci/gs/hs/hsgmin.asp:</p> <p>Աշակերտները պետք է կատարեն CDE-ի պահանջները՝ ստանալով առնվազն «D» գնահատական:</p>

ԻՆՉ Է ԼԻՆՈՒՄ, ԵԹԵ ԱՇԱԿԵՐՏԸ ՉԻ ԲԱՎԱՐԱՐՈՒՄ ԴԻՊԼՈՄ ՍՏԱՆԱԼՈՒ ԱՎԱՐՏԱԿԱՆ ՊԱՅԱՆՋՆԵՐԸ

Եթե աշակերտը չի արժանանում դիպլոմի, նա կարող է փոխարենը ստանալ ավարտական վկայական: IEP-ով աշակերտները կարող են ավարտական վկայական ստանալ՝ կատարելով հետևյալ պայմաններից որևէ մեկը.

- IEP-ում նշված այլընտրանքային ուսումնական ծրագրով նախատեսված կրեդիտների բավարար կատարում,
- ավագ դպրոցում ուսման ընթացքում IEP-ում սահմանված նպատակների բավարար իրագործում՝ ըստ IEP թիմի սահմանման,
- ավագ դպրոցում բավարար հաճախում, մասնակցություն IEP-ով նախատեսված ուսուցմանը և անցումային նպատակների իրագործում:

Հաշմանդամություններ ունեցող այն աշակերտները, որոնք բավարարում են ավարտական վկայական ստանալու պահանջները, իրավասու են մասնակցելու ավարտական մեկ արարողության և դպրոցի ավարտին առնչվող ցանկացած միջոցառման, որոնց իրավասու կլինեին մասնակցելու առանց հաշմանդամության աշակերտները:

Այն աշակերտները, որոնք ավարտական վկայական են ստանում, կարող են ձգտել դիպլոմ ստանալու և իրավասու են հատուկ կրթություն ստանալ մինչև 22 տարեկանը կամ մինչև դիպլոմ ստանալը:

Ի՞ՆՉ Է ԱՐԴՅՈՒՆՔՆԵՐԻ ԱՄՓՈՓԱԳԻՐԸ

Արդյունքների ամփոփագիրը փաստաթուղթ է, որը ներկայացնում է ուսումնական առաջադիմության և ֆունկցիոնալ հմտությունների ամփոփ նկարագիրը, ինչպես նաև պահանջվող աջակցության առաջարկություններ, որոնց միջոցով աշակերտը կկարողանա հասնել իր հետմիջնակարգ նպատակներին: Արդյունքների ամփոփագիրը բացատրում է, թե ինչ աջակցություն և հարմարեցումներ են անհրաժեշտ աշակերտին, մինչև նա դպրոցից անցնում է հետագա կրթության, վերապատրաստման, զբաղվածության կամ ինքնուրույն ապրելու հմտությունների ձեռքբերման: Արդյունքների ամփոփագիրը հարկավոր է լրացնել աշակերտի վերջին IEP հանդիպմանն ընդառաջ, որն անցկացվում է ոչ շուտ, քան ուսումնական տարվա վերջին օրից 150 օր առաջ կամ երկարացված ուսումնական տարվա (ESY) վերջին օրը, եթե աշակերտը իրավասու է ESY ստանալու:

Ի՞ՆՉ ՌԵՍՈՒՐՍՆԵՐ ԵՆ ՀԱՍԱՆԵԼԻ, ԵԹԵ ԵՍ ՀԱԿԵԼՅԱԼ ՀԱՐՑԵՐ ՈՒՆԵՄ

- Ձեր դպրոցի տնօրենը, հատուկ կրթության անձնակազմը և անցումային ուսուցիչը
- [Հատուկ կրթության ծառայությունների ծնողական ուղեգույցը \(ներառյալ Ընթացակարգային իրավունքներն ու երաշխիքները\)](#)
- [IEP-ն և Դուք](#)



ՌԵՍՈՒՐՍՆԵՐ

Հատուկ կրթության վարչություն

Վեբկայք՝ <https://sped.lausd.org>

Անցումային ծառայությունների շրջանային գրասենյակ

Վեբկայք՝ <https://sped.lausd.org/dots>

Դպրոցի և ընտանիքի աջակցության ծառայությունների (SFSS) գրասենյակ

Վեբկայք՝ <https://lausd.org/spedContactUs>

Հեռախոս՝ (213) 241-6701

Այս գրասենյակը կարող է աջակցել հատուկ կրթության հետ կապված հարցերի, մտահոգությունների և/կամ բողոքների դեպքում, ինչպես նաև աշակերտի IEP-ի վերաբերյալ հարցերում: Ավելի մանրամասն տեղեկություն ստանալու համար այցելեք Հատուկ կրթության բաժնի կայքի *Contact Us* բաժինը:

Ծնող-աշակերտ ձեռնարկը առկա է Շրջանի բոլոր դպրոցներում: Այցելեք Շրջանի գործունեության կայքը:

Վեբկայք՝ <https://www.lausd.org/Page/16910>

Համայնքային տեղեկատվական հանձնաժողով (CAC)

Վեբկայք՝ <https://www.lausd.org/Page/10285>

CAC-ի պարտականությունները սահմանված են Կալիֆոռնիայի կրթության օրենսգրքով և ներառում են խորհրդատվական դեր հատուկ կրթության տեղական ծրագրի մշակման, փոփոխման և վերանայման հարցերում:

Այլ ռեսուրսներ

Կալիֆոռնիայի կրթության վարչություն (CDE)

Վեբկայք՝ <http://www.cde.ca.gov>

Հեռախոս՝ (916) 319-0800

ԱՄՆ կրթության դեպարտամենտ

Վեբկայք՝ <https://sites.ed.gov/idea>

Հեռախոս՝ 1-800-872-5327

Չարգացման ծառայությունների վարչություն (DDS)

Վեբկայք՝ <https://www.dds.ca.gov/rc/>

Հեռախոս՝ 1-833-421-0061

DDS-ը վերահսկում է զարգացման խանգարումներ ունեցող Կալիֆոռնիայի բնակիչների համար ծառայությունների համակարգումը և տրամադրումը՝ նահանգի ամբողջ տարածքում գործող 21 համայնքային, ոչ առևտրային գործակալություններից կազմված ցանցի միջոցով, որոնք հայտնի են որպես Տարածքային կենտրոններ (Regional Centers):

Լոս Անջելեսի շրջանի California Children's Services (CCS) ծրագիր

Վեբկայք՝ <http://publichealth.lacounty.gov/cms/ccs.htm> Հեռախոս՝ 1-800-288-4584

Էլփոստ՝ CCS@ph.lacounty.gov

CCS-ը նահանգային ծրագիր է, որը համակարգում և ֆինանսավորում է որոշակի առողջապահական կարիքներ ունեցող մինչև 21 տարեկան երեխաների բժշկական օգնությունն ու թերապևտիկ ծառայությունները:


Վերականգնողական ծառայությունների վարչություն (DOR)

Վեբկայք՝ <https://www.dor.ca.gov/>

Հեռախոս՝ 1-800-952-5544 / TTY: 1-844-729-2800

Վերականգնողական ծառայությունների վարչությունը (DOR) օգնում է Կալիֆոռնիայի անկարողություն ունեցող բնակիչներին ձեռք բերել և պահպանել աշխատանք, ինչպես նաև առավելագույնի հասցնել նրանց հավասար հնարավորությունները և իրենց համայնքներում ինքնուրույն ապրելու կարողությունը:

IEP-ի ԺԱՄԱՆԱԿԱՑՈՒՅՑԸ



Նշում. Ծնողը/խնամակալը կարող է ցանկացած ժամանակ դիմել IEP թիմի հանդիպում կազմակերպելու խնդրանքով, եթե դա անհրաժեշտ է համարում: Այս հանդիպումը պետք է անցկացվի դիմումը ներկայացնելուց հետո 30 օրվա ընթացքում: